



KOMUNIKADO PA PRENSA

Fecha

8 di desèmber 2015

Accountmanager

Corinne Leysner

Email

corinne.leysner@gobiernu.cw

KAYA RIGNALD RECORDINO (STA. ROSAWEG) TA HABRI PA TRAFIKO

Willemstad - Servisio pa Obra Públiko (OW), ta informá ku for di dia 10 di desèmber próksimo, tráfico ta habrí riba Kaya Rignald Recordino, antes Sta. Rosaweg. Na mes un momentu e lusnan di tráfico riba e krusada Sta. Rosaweg/Kaya Hensley 'Bam bam' Meulens/Kaya Rignald Recordino/Seru Loraweg ta kuminsá traha atrobe.

E kontratista CWM ta kaba e trabounan di e krusada elevá riba e krusada di Kaya Rignald Recordino/ Katunastraat loke ta marka e final di fase 1 di e trabounan di rekonstrukshon di Sta. Rosaweg. Tráfico por hasi uso normal di e kaminda sin desviashonnan, te ku fase 2 kuminsá riba 11 di yanüari di aña 2016.

Ora e trabounan di fase 2 kuminsá, ta kita e instalashon di lusnan di tráfico. Den fase 2 di e trayekto ta kita e tankinan promé bou di pòmp di gasolin bieu i e edifisio di e pòmp di gasolin bieu di Curoil, pa sigui traha riba e rotònde ku mester bina na e krusada akí. E rotònde ta kla den luna di mei 2016.

OW, Departamentu di Tráfico di Polis i e kontratista CWM ta pidi tur outomobilista pa tene debito kuenta ku e kambionan i pa paga tinu riba e lusnan di tráfico. Tambe ta spera kompreshon i ta gradisí di antemano pa e koperashon.